

## **Pool Gbanƙa Ate Wa Nmarisi A Te FAILEMON La**

<sup>1</sup> Mi Pool, waai ate ba yik lik Yeezu Kirisita nyin la ale ti suoku Timoti ale maa chaab a nmarisi gbanƙa de a te ti doawa ale ti tomteero choawa, Failemon, <sup>2</sup> ale Kirisita bisaɗa ale a tu chaab fi yenni po la, ale ti toawa Afia ale ti soji choawa Akipus.

<sup>3</sup> Naawen ti Kowa ale ti Nyɔɔwa Yeezu Kirisita le te ni niaka ate ni boro ale suyɔgini.

<sup>4</sup> M dek suok Failemon, diipo meena m nyiem dan boro a puusi Naawen, mi a teeri fi wari kama ale a te m Naawen jiam. <sup>5</sup> Dii nyin la, m wom fi ale ta yaalika soa dii ale Naawen nuruma meena la kama. M wom fi siaka ale Nyɔɔwa Yeezu ale soa dii me la kama. <sup>6</sup> Mi a puusi Naawen kama ayen fi pii nyin ate fi nye ate nuruba me a maa ta siaka ase fi la. Nyaku de a dan nye, ku le basi ate fi sum min chak waman sii meena wuu ale a nye ti jigi Yeezu Kirisita ale tama ale ka bunyi nyin la. <sup>7</sup> Fi yaalika ate fi ta la, m dek suowa, a ta ka masim nna yegayega ale nyinbiiri a jam m jigi. Fi nye kama ate Naawen nuruma meena sue peenti.

<sup>8</sup> Dila nyin la, m бага nyini peelim kama a fe fu ase fi suok Kirisitawa nyin la ayen fi nye wari dii ale magsi fi nye la. <sup>9</sup> Alege m le ta yaalika ale fu la nyin m kan yaali ayen m fe fu, mi a yaali

kama ayen m saalim fu. Mi ka Pool, m be ka nisomo alege yogyogla de ba yik mu a lik kama Yeezu Kirisita nyin<sup>10</sup> M be tagri ka Onesimos waai ale ka m biik Yeezu Kirisita yonni nyin la. Mi ale diem bo likka dok nna la m chim ka wa ko Yeezu yonni nyin.<sup>11</sup> Dila po, dila po, wa jam ka tuntuini a te fu, alege yogyogla de, wa ta tuilim kama mi ale fi jigi.

<sup>12</sup> M basi wa kama ale m sunum meena ayen wa pilim jam fi jigi. <sup>13</sup> Mi a yaali kama ayen m le diem bo likka dok la, wa diem maa boro ale mu Naawen wamaɲsaɲa tomka nyin ate wa tagri fi zuk a maari mu. <sup>14</sup> Alege, m kan fe fu kama ayen fi nye wannu de, alege mi a yaali kama ayen fi siak ale fi dek yaalika ate m kan nye wari ase ka fi a nin siak ayen m nye.

<sup>15</sup> Ku baga a nye kama ate Onesimos ale kan bo fi jigi ate ku beni maga dek la, ate fi a yaali ayen wa pilim jam fi jigi a boro taam wuu. <sup>16</sup> Alege, mi a yaali ayen m weeni a sak fu kama ayen fi nya wa nman daa yomo wala choawa, wa yaa gaam yomo kama. Wa yaa ka sunum po suok Yeezu Kirisita yonni nyin. Wa potim bo ka mi sunum po, alege mi a poli ayen yogyogla de wa le poom bo fi sunum po kama a gaam wa ale bo mi sunum po dii ase yomo ale m suok Nyonowa yonni nyin la.

<sup>17</sup> Dila nyin la, fi dan pa mi chim ka fi Kirisita biik choa be basi ate wa nman pilim jam fi jigi ase mi a nin jam fi yenni ate fi basi ate mi a jo dii la. <sup>18</sup> Wa dan kaasi ka fi wari yaase wa ta ka fi pami, basi ate mi tuni dila. <sup>19</sup> Jigini de gbanƙa po, mi dek ale pa m nisima a nmarisi a weeni ayen,

mi Pɔɔl le tuni fu. (Ku an poom magsi ayen m nman teeri fu nyaku de ayen, fi dek ale kali la, fi ta ka mi pamiya.) <sup>20</sup> Dila nyin, m suowa, mi a saalim kama ayen ti Nyɔnɔwa nyin fi nye wannɛ de a te mu. Ase m Kirisita biik choa la, basi ate m po peenti.

<sup>21</sup> M sebi chak kama ayen m le nmarisi gbanjka de a weeni fu dii la, fi le nye ka dila te mu m poom a poli ayen fi le nye gaam dila a te mu kama. <sup>22</sup> M be le nman a yaali ayen fi nye dii a te mu la ale, fi yaali dɔk te mu, dii nyin la, mi a poli ayen Naawen le tulisi ni meena puusaŋa kama ate m nman pilim jam ni jigi.

<sup>23</sup> Epafiras, waai ate ba maa yik wa a lik Yeezu Kirisita nyin la, a puusi ni. <sup>24</sup> M tomɔdo chaama me Maak, Arisitaakus, Diimas ale Luuk a puusi fu.

<sup>25</sup> M be nman a saalim ayen ti Nyɔnɔwa Yeezu Kirisita niaka a bo ale ni meena.

**The New Testament in the Buli language  
(Ghana)**

**Buli: The New Testament in the Buli language  
(Ghana) (New Testament)**

copyright © 2003 Wycliffe Bible Translators, Inc.

Language: Buli (Ghana)

Contributor: Wycliffe Bible Translators, Inc.

All rights reserved.

2020-11-16

---

PDF generated using Haiola and XeLaTeX on 3 Mar 2023 from source files  
dated 29 Jan 2022

24aad1ee-9f16-5a40-b094-5b16e513253a